

Informe di DIARIO confirma!

Minister di Husticia a nombra Steven Andrew Hoo como Hefe interino di Polis



ORANJESTAD (AAN): Aruba tin un Hefe interino nobo di Polis. Den conferencia di prensa diahuebs atardi Minister di Husticia, mr. Andin Bikker a anuncia e decision pa loka ta trata Korpsleiding. Despues di un proceso di consulta amplio a dicidi di nombra Sr. Steven Andrew Hoo como hefe di polis interino.


Manera ta conoci, momento cu Minister Bikker a asumi responsabilidad como Minister di Husticia, a bin topa cu un situacion unda Hefe di Polis actual, Sr. Dolfi Richardson a indica cu e kier bay pa un reto nobo. Mesora a bay den un proceso di consulta sumamente amplio pa busca un persona cu por bira un hefe di polis interino. Por a sinti cu tabatin pregunta y preocupacion di comunidad pero a tuma tur tempo pa yega na un decision, pasobra na final di dia e funcion aki ta sumamente importante pa tranquilidad y seguridad pa comunidad di Aruba.

Durante e proceso a consulta cu coalicion y oposicion den Parlamento, a papia cu diferente persona den cuerpo y tambe esunnan cu pensioen for di cuerpo pa yega na un decision segun Minister Bikker. E consulta a sigui su caminda bay den Consejo di Minister, kendenan a tuma un decision di principio caminda a dicidi di nombra Sr. Steven Andrew Hoo, como e proximo waarnemer pa KPA. Segun Minister Bikker ta bay tin un fase di transicion cu lo tuma luga den algun siman, for di e dia e Korpschef actual. E tareanan di Sr. Hoo, segun e mandatario, ta pa trece union den e Korps, trece tranquilidad y tambe percura tur demanda basico pa loka ta trata material haya atencion.

Mester hiba Cuerpo Policial den un dimension nobo pa loka ta trata aplicacion di tecnologia cu mundialmente ta yuda tur cuerpo policial pa brinda un miho servicio pa pueblo y e bishitante. Pa minister Bikker, ta



un honor y placer di anuncia e decision di Consejo di Minister. Tambe Minister Bikker ta sumamente gradici na tur persona cu a yuda durante e proceso di consulta y tambe na hefe di polis actual pa su cooperacion cu el a duna y sigui duna pa tin un traspaso ordena pa e Korpschef interino




nobo drenta den su funcion.

Paralelo cu nombramento di Sr. Hoo lo cuminsa cu e procedura di solicitud na cual tur persona por solicita.

incluyendo Sr. Hoo pa asina yega na un Korpschef definitivo. Tarea principal di Sr. Hoo ta pa trece union tranquilidad y mas cu tur cos garantiza sion.

ridad di tanto e pueblo como e bishitante pa Aruba su economia sigui florece segun Minister Andin Bikker.

Andrew S. Hoo nombra como Hefe interino di Polis



ORANJESTAD (AAN): E noticia di DIARIO a keda confirma! Andrew S. Hoo a bira Hefe interino di Cuerpo Policial Aruba. Hoo no ta un persona desconoci den nos Cuerpo Policial y tampoco den comunidad.

Sr. Hoo tin un trayectoria largo den husticia. El a cuminsa den Cuerpo Policial Aruba na aña 2001 pues e tin un diploma MBO politieopleiding niv. 4, Politie Academie te Appeldoorn, Bachelor Of Science Hotel Administration, Associate of Science Hotel Management y Executive Master of Tactical Policing mayor in General Leadership. Sr. Hoo ta un persona profesional y dedica na su trabao. Sr. Hoo ta casa y tin dos yiu.

Un persona dedica na su famia. Despues di a bay forma parti di e famia di Marriott Hotel Aruba como Complex Director of Loss Prevention and Risk Management. Sr. Hoo ta bolbe su cas back na unda el a sirbi su pais cu honor y passion pero e biaha aki e ta cla pa fungi den e posicion di Korpschef interino di nos Cuerpo Policial Aruba. Un persona cu conocimiento amplio den e parti hudicial, industria di turismo y seguridad. Aruba por ta orguyoso pa ricibi un hoben profesional y studia pa asumi e responsabilidad di nos Cuerpo Policial Aruba. Mas detaye awe den DIARIO.